




WANTAIM

Helt tok blo bel mama klinik

Olgeta mama mas:

- Kam eli lo bel mama klinik
- Kam skel klostu fopela taim olgeta
- Karim pikinini lo hausik



Wanem as lo kam lo mama bel klinik

Taim yu kam lo mama bel klinik, ol nes:

- Bai kisim skel blo yu
- Bai sekim longpla blo yu
- Bai sekim blut presa blo yu
- Bai sekim sapos yu stap gut
- Bai sekim tu sapos bebi blo yu i silip gut o grow gut



Ol nes bai kisim blut lo pinga blo yu lo sekim blut mak blo yu na tu sekim lo sik



Ol nes bai givim blut marasin, malaria marasin na bai ol givim tetnus sut lo banisim mama na bebi tu.

Ol nes bai givim skul tok lo kam karim bebi lo hausik na kisim femili plenin tu.

Ol nes bai hamamas tru long lukim man blo yu

Ol nes bai toksave long yu wei blong abrusim sik, wok painim aut long sik na givim marasin long pinisim sik. Ol bel mama imas igo eli na 4pela taim long bel mama klinik



Wanem em i WANTAIM Stadi?

WANTAIM stadi em wanpla wok painim aut insait lo PNGIMR we i lukluk long wok bung wantaim ol komuniti na ol hausik lo improvim helt blo ol bel mama na ol bebi

Wok painim aut bai kamap lo we?

Dispela wok painim aut i bai kamap long 10-pela bel mama klinik insait lo PNG.



**Madang
Kokopo
Alotau**

- **Sampela bel mama klinik** bai wokim test lo olgeta bel-mama long sekim sik we i save kamap lo rot bilong pikinini. Meri husait tes risal i positiv bai kisim marasin seim dei.
- **Sampela bel mama klinik** bai kisim pispis bilong olgeta bel-mama na bai mipela wokim wankain test long leboretori bilong mipela. Meri husait tes risal i positiv, bai kisim marasin bihain long taim em karim pinis.
- **As tingting bilong wokim ol dispela test em bilong painim aut wanem gutpela rot bilong helvim na kamapim gutpela helt bilong mama na bebi.**

Husait iken stap insait lo displa wok painim aut?

- Mama we, em lusim wanpla, tupla o tripla sik mun - imas kam eli lo bel mama klinik!
- Imas igat 16pela krismas na go antap.
- Em imas nambawan taim blo yu lo kam sekim bel.

Wanem samting bai kamap insait lo displa wok painim aut?

- Wanpla nes bai stori moa lo yu lo displa wok painim aut na kisim tok orait blo yu.
- Long nambawan skel blo yu, bai mipla lukim piksa blo bebi blo yu lo masin na sekim sais bilong bebi blo yu na hamas mun yu bel.



- Ol nes blo mipla yet lo stadi bai lukluk lo yu taim yu kam lo skel.
- Ol nes bai askim yu long kam long bel mama klinik na lukim ol stadi tim 3pela taim o moa taim yu gat bel.
- Nes blo stadi yet bai kam lukim yu na sekim bebi blo yu long taim yu karim.

Long save moa long dispela wok painim aut, plis yu ken askim ol WANTAIM stadi tim



**Papua New Guinea Institute of
Medical Research**
PO Box 378, Madang,
Madang Province